



Inatsisartunut ilaasortaq Kristian Jeremiassen, Siumut
MAANI

Inatsisartut suleriaasianni § 37 naapertorlugu Qaasuitsup Kommuniani qaleralinnik tunisineq pillugu apeqquteqaat nr. 2011-3.

Sagsnr: 2011-044350.
Dok. Nr. 542049
19. januar 2011

Inatsisartut suleriaasianni § 37 naapertorlugu Naalakkersuisunut imaattumik apeqquteqaateqarputit:

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@nanoq.gl
www.nanoq.gl

- 1. Tunitsiviit ataasiakkaat aalisartullu akornanni isumaqatigiissutit 2010-mi Qaasuitsup Kommunea-ni qassiusimappat?**
- 2. Aalisartut ataasiakkaat aalisakkat kg-umut assingiingitsunik akilerlugit pisiffigisarpai?**
- 3. Isumaqatigiissutaasimasunit qassit atorunnaarsinneqarsimappat?**

Akissuteqaat:

Ad 1. Qaasuitsup Kommuniani tunitsiviit assigiinngitsut paasiniaaffigereerlugit Naalakkersuisoqarfiup manna ilisimatitsissutigissavaa, 2010-imi tunitsiviit ataasiakkaat aalisartullu akornanni tunisineri akigititassatut isumaqatigiissutigineqartut assigiinngitsut arlaliummata. Eqqortumik oqaatigalugu, ilisimatitsissutigineqarpoq, 2010-imi isumaqatigiissutit assigiinngitsut 35-iviusimasut, erseqqissaatigineqassarli, kisitsisit taakua suliqaffasinnerummata, tassami suliffeqarfiit paasiniaavigineqartut ilai, kisitsisinik eqqoqqissaartunik tunniussa qarussuppallaarsimangimmata. Tamanna Naalakkersuisoqarfiup iliuuseqarfigigalugu malersoqqissavaa. Isumaqatigiissusiat taakua tunngaviummik isumaqatigiissutinut arfiniliusunut KNAPK'p kattuffiata tunitsivinnik ataasiakkaanik isumaqatigiissusiorsimaneranik aallaaveqarput.

Aammattaaq oqaatigineqassaaq, tassalu suliffeqarfiit aperineqartut ilaata, qaleralinnik tunitsiviusup ilisimatitsissutigimmagu, tunisinissamut aalisartunik isumaqatigiissusiorsimanatik.

Ad 2. Ilisimatitsissutigineqarsinnaavoq, isumaqatigiissusiat assigiinngitsut immikkoorteqarluinnarmata. Qaleralinnik tunisineri aalisartunut akigitinneqartut ilaatigut ataasiakkaatut qanoq isumaqatigiissusiorfigineqarneri apeqqutaallutik, aalisakkap angissusissaa, aalisarfiup ungasissusaa immaqalu bonusisiassanik aalisartup ataasiakkaatut arlaliullutilluunniit tunitsivimmuut isumaqatigiissutigisaat. Suliffeqarfinni paasiniaavigineqartuni ataasiinnaq nalunaaruteqarpoq, kina tunisinersoq apeqqutaatillugu, assigiinngitsunik kilomut akilersuisoqarneq ajortoq.

Ad 3. Qaasuitsup Kommuniani qaleralinnik tunisinissamut isumaqatigiissutit qassit taamaatinneqarsimanersut, apeqqummut tunngatillugu, tamatumani suliffeqarfiit arfinillit aperineqarmata tallimat uppersaapput, isumaqatigiissutinik 2010-imi taamaatitsisoqarsimanngitsoq. Suliffeqarfiilli ilaat peqquteqavissumik apeqqummut akisinnaasimangilaq, isumaqartoqarmat, tamanna niuernikkut tunngasutigut nipangiusimasasaasoq. Naalackersuisoqarfiup ilisimatitsissutigisinnaavaa, KNAPK´p uppersarmagu, qaleralinnut tunngatillugu Qaasuitsup Kommuniani tunisinissamut isumaqatigiissutinik 2010-imi taamaatitsisoqarsimanngitsoq.

Inussiarnersumik inuulluaqqusillunga

Ane Hansen